



NUKISSIORFIIT

NUKISSIORFIIT

INNAALLAGISSAMIK

tamanik pilersuinerminni
piumasaqaataat nalinginnaasut

Nr. 4, 15.07.2026-mit atuutilersoq

Aallaqqaasiut

Nukissiorfiit innaallagissamik pilersuinerminni piumasaqaataat nalinginnaasut tassaapput inatsisitigut tunngavissat uppernarsaataasut pingaarutillit Nukissiorfiit aamma

- Illuutitik inissianillu nammeneq pigisalik (piginnittoq) innaallagissamik pilersuinermut attavilerneqarsimasut,
- Innaallagissamik pilersuinermit atuisut (atuisoq) aamma
- Innaallagissiorlut akuersissummik peqarlutik suliaqartartut akornanni.

Allassimasuni tamanut taaguutitut atorneqarput piginnittoq aamma atuisoq, tamanna siunertamut tulluartausorineqarpat. Sullitaq tassaavoq inuk nammineeqluni imaluunniit inatsisitigut inuttaasutut Nukissiorfinnut nalunaarsimasoq, ataatsimik arlalinnilluunniit akiligassanut uuttuutitik pigisalik.

Piginnittup, atuisup aamma innaallagissiorlut Nukissiorfiit pilersuinermini piumasaqaataat nalinginnaasut ilisimasariaqarpai, pineqartumut attuumassuteqarsinnaasut eqqarsaatigalugit.

Nukissiorfiit atuisullu akornanni isumaqatigiissuteqarnermut tunngaviusut aalajangersarneqarsimapput Nukissiorfiit innaallagissamik, imermik kiassarnermillu tamanut pilersuinerminni tuniniaanermit piumasataanni aalajangersakkatigut aamma Nukissiorfiit innaallagissamik tamanut pilersuinerminni piumasaqaataat nalinginnaasut tunngavigalugit.

Piginnittut, atuisut innaallagissiorlut kiisalu Nukissiorfiit pisussaaffigaat inatsisit, peqqussutit, nalunaarutit malittarisassat assigisaalu qaqugukkulluunniit atuuttut malinnissaat. Taakkunani pingaartumik ukua maluginiaqquneqarput:

- Sanaartukkat innaallagissamut atugassat atortullu innaallagiatortut pillugit Inatsisartut peqqussutaat nr. 12, 3. november 1994-imeersoq (2019-imi allannguuteqartinneqartoq).
- Innaallagissamik pilersuinermit atortunut atortunullu allanut atassusiinermit malittarisat aalajangersarneqartarnerat pillugu Namminersornerullutik Oqartussat nalunaarutaat nr. 13, 11. juuni 1996-imeersoq ("Ataatsimut aalajangersakkat, Atortut innaallagiatortut atortullu innaallagissamut atugassat attavilerneqartarnerat"(FR)kalaallisut ilassutitalik)
- Namminersornerullutik Oqartussat aamma Kalaallit Nunaanni Kommuneqarfiit Kattuffiata, kommunit nunaqarfiini innaallagissamik imermillu pilersuinerup Namminersornerullutik Oqartussanit /Nukissiorfinnit isumagineqalerneranni Isumaqatigiissutissatut Tunngavissiaq, 1. januar 1998-imeersoq
- Nunaqarfiit innaallagissamik imermillu pilersorneqarnerisa Namminersornerullutik Oqartussanit tiguneqarnerat pillugu Inatsisartut inatsisaat nr. 13, 6. november 1997-imeersoq
- Nukissiornermik pilersuineq pillugu Inatsisartut peqqussutaat nr. 14, 6. november 1997-imeersoq (2007-imi aamma 2017-imi allannguuteqartoq)
- Nukissiuutinit ataavartunit innaallagissamik sinneruttumik suliffeqarfinnut pilersuisuusunut pilersuineq tunisarnertu pillugit Namminersorlulit Oqartussat nalunaarutaat nr. 21, 9. december 2013-imeersoq (nammineeqluni tunisassiornermut nalunaarut)

NUKISSIORFIIT INNAALLAGISSAMIK TAMANIK PILERSUINERMINNI PIUMASAQAATAAT
NALINGINNAASUT NR. 4, 15.07.2026-MIT ATUUTILERSUT

- Innaallagissamut, imermut ataatsimoortumillu kiassarnermut il.il. akigititanik aalajangersaasarneq pillugu Namminersorlutik Oqartussat nalunaarutaat nr. 22, 22. december 2017-imeersoq
- Innaallagissamik ikkussuinerit suliarineqarnerannut ingerlanneqarnerannullu isumannaallisaaneq pillugu Namminersorlutik Oqartussat nalunaarutaat nr. 21, 12. december 2019-imeersoq
- "AN-imut ikkussuilluni attavilersuineq" pillugu Nukissiorfiit malittaruaqqusaat.

Imarisai

Aallaqqaasiut.....	2
1. Nassuiaatit.....	5
2. Aallaqqaasiutitut aalajangersakkat.....	6
3. Attavilerneqarnermut aalajangersakkat.....	8
4. Innaallagissap aqqutai ikkussukkat.....	10
5. Uuttuutit akiligassanik nalunaarsuiffiusut	12
7. Illumut attavilerneqarfiit	16

1. Nassuiaatit

Attavilerfiup sumiiffia

1.1

Nukissiorfiit pilersuinerisa sumiiffia, illumut attavilerfiusarteq. Attavilerfiup sumiiffia transformerstationimiissinnaavoq, kabeliisivimmiissinnaavoq imaluunniit napparussuarmiissinnaalluni.

Illumut attaveqarfik

1.2

Attavilerfiup sumiifiata illumullu attaveqarfiup akornanni attaveqaat.

Pingajutut akuusoq

1.3

Pilersuiffimmik piginnittoq, nammineq tunisassiaminit sinneruttunik tamanik pilersuisunut pilersuisoq.

Nukissaq ataavarteq

1.4

Nukissaq nukissanik ataavartumik pilersuiffinnit tunisassiarineqarteq, tassunga ilanngullugit anorimit nukissiorneq, seqinermit nukissiorneq, erngup nukinganit nukissiorneq assigisaalu.

Innaallagissamut uuttuut

1.5

Uuttuut, innaallagissamik atorineqartumik nalunaarsuisoq.

Sanaartornermut uuttuut/ innaallagissamut uuttuutaagallarteq

1.6

Innaallagissamut uuttuutit, innaallagissamut uuttuutaagallartuni pilersuinermit atorineqartartut, tassunga ilanngullugit sanaartornermit nalunaarsuinerit, sanaartorfiit assigisaalu.

Pilersuiffik

1.7

Innaallagissamik pilersuinermit atorteq, Nukissiorfinnit pigineqarteq aamma /imaluunniit ingerlanneqarteq kiisalu aserfallatsaaliorneqarteq. Taakkununga ilaasinnaapput innaallagissamik pilersuinermit aqutsinermit nakkutilliinermullu atortut.

2. Aallaqqaasiutitut aalajangersakkat

El-installatøri akuersisummik pigisaqartoq

2.1

Innaallagissap aqqutaanik attavilersuinerit tamarmik el-installatørimit akuersisummik pigisalimmit, Kalaallit Nunaanni Innaallagissiornermut Oqartussaasunit akuerineqarsimasumit, suliarineqartussaapput.

Suliassat tamarmik isumagineqartussaapput innaallagissamut malittarisassat inatsisillu atuuttut malillugit.

Pilersuinerup killilinga

2.2

Nukissiorfiit innaallagissamik pilersuinerminnut killigititaat tassaavoq sullitap napparussuarmut, kabeliisivimmut transformerstationimulluunniit attavilerneqarnera.

Pilersuinermi killigititat tikillugit ilanngullugillu pilersuiffik Nukissiorfiit pilersissavaat aserfallatsaaliorlugulu.

Summiiffik pilersuinermi killiëqarfiliussaq kinguliini taaneqartassaaq ataavilerfiup sumiiffianik.

Piginnittup illuutaani pilersuiffiit

2.3

Nukissiorfiit piginnittumut pilersuinissaminik pisussaaffini naam-massiniarlugit pisariaqassappat pilersuinermut atortut illuummi Nukissiorfiit piginnngisaanni ikkussorsinnaavai.

Piginnittup nunaminertaq imaluunniit ini tulluartoq Nukissiorfin-nut akeqanngitsumik atugassanngortissavaa.

Pilersuinermut atortut, assersuutigalugu tassaasinnaapput nap-parussuit, kabelit, kabeliisiviit, sakkortusaaviit assigisaalu.

Illuummit allamiit pilersuineq

2.3.1

Nukissiorfiit pisinnaatitaapput pilersuinermi atortut allap pigisaa-ni inissinneqarsimasut aqqutigalugit allanik pilersuisinnaaner-minnik.

Atuisup (piginnittoq) tamatuma kingunerisaanik taarsiiffigineqar-nissani piginnaatitaaffigippagu, atuisinnaanerminik killiliiffigine-qarnini aamma persaqquersorneqarnini pissutigalugit taarsiis-sutissanut tunngasut isumaqatigiinniutigissavai ileqqullu attuutut malillugit taarsiiffigineqassalluni.

Pitsaassuseq

2.4

Nukissiorfiit tamatigut anguniartarpaat assigiimmik pilersuinerup pitsaasup ingerlanneqarnissaa, nalinginnaasumik sarfalersuineq tassaassalluni 3 x 230/400 V, tak. Innaallagissamik ikkussuinerit suliarineqarnerannut ingerlanneqarnerannullu isumannaallisaa-neq pillugu Namminersorlutik Oqartussat nalunaarutaat nr. 21, 12. december 2019-imeersoq

Nukissiorfiit innaallagissamik pilersuineq attavilerneqarfiup sumiiffia tikillugu taamaallaat akisussaaffigaat. Ajoqutit aamma amigaataasut illumut attavilerneqarfimmiittut aamma ikkussukka-ni attavilerneqarfiup sumiiffiata kingornaniittut Nukissiorfiinnit akisussaaffigineqanngillat.

**Pilersuinnermut aqqutini
suliaqarneq**

2.5

Pilersuinnermut aqqutini imaluunniit innaallagissiorfimmi pilersaarutaasumik suliaqarnissaq sioqqullugu Nukissiorfiit atuisunut innaallagissamik pilersuinnermi qamitsinerit pilersaarutaasut pillugit nalunaaruteqassapput.

**Ilimanngisamik
qamittoornerit**

2.6

Qamittoornerit soorlu assersuutigalugit Nukissiorfiit atortuini ajortittoqarneranit aamma ajoquserneranit peqquteqartut sapinngisamik pilertortumik iluarsaanneqassapput, kisianni Nukissiorfiit ingerlatsinerup unittoornerata kingunerisaanut sunulluunniit akisussaassuunngilaq.

3. Attavilerneqarnermut aalajangersakkat

Ikkussukkat nutaat atuisunngornermi nalunaarutigineqar- nerat

3.1

Innaallagissamut nutaanik ikkussuisoqaraangat (ass. Inissiani nutaani) innaallagissamik atuisunngorneq nalunaarutigineqassaaq Nukissiorfinnut elektroniskimik www.eltilmeding.dk aqqutigalugu.

Ikkussukkanut nutaanut makku ilaapput:

- Ikkussukkanik annertusisat uuttuummut tunngasunik allanngortitsinngitsut
- Sanaartornermi sarfamik qaammatit pingasukkaarlugit misissuineq
- Paarnaarsaatinik kipineqarsimasunik misissuineq
- Ullut 270-t qaangiunneranni ikkussukkani sarfaqarsimanngitsuni kingumut atueqqilerneq

Ikkussukkat nutaat nalunaarutiginissaat aamma naammassinerisa nalunaarutiginissaat illuummik piginnittup pisussaaffigai aamma taakkuninnga ikkussuisuussaaq innaallagissiortoq akuersissummik pigisaqartoq.

Innaallagissap aqquataasa nutaat, tassunga ilanngullugit annertusissat ikkussukkallu pioreersut allannguutaat kiisalu maskiinanik atortunillu anginerusunik ikkussuinerit, suliarineqarneranni malinneqartussaapput inatsisit qaqugukkulluunniit atuuttut aamma Nukissiorfiit aalajangersagaat.

Ikkussorneqartunut tamanut ataasiakkaanut atuisunngorniarneq nalunaarutigineqassaaq.

Nalunaarutini immersuinerit amigaatillit itigartinneqarsinnaapput.

Atuisunut Nukissiorfinnit innaallagissamik pilersorneqarnissamut, ikkussukkat naammassineqareernerisigut atuisunngorniartunut, innersuussutigineqarpoq immikkoortoq 2.1 Nukissiorfiit innaallagissamik, imermik aamma kiassaanermik tamanik pilersuinerminni tuniniaanermut piumasaqaataat.

Ikkussukkat nutaat pilersinneqartut naammassinerisa nalunaarutiginerat

3.2

Ikkussuinissamik nalunaarnerit suliarineqarneri naammassigaangata innaallagissiortup suliamik nammassinninnermut immikkoortoq www.eltilmeding.dk -miittoq suliassaraa.

Suliassatut nalunaarutigineqartut ilaat suliarineqarsimanngippata tamanna inaarutaasumik nalunaarummut ilanngunneqassaaq.

Pilersuinerimut aqqutinut attavilerneqarfiup sumiinnerata allanngortinneqarnissaa kissaatigineqarpat, nalunaarutigineqareersimasunut naleqqiussilluni ikkussukkat elektroniskiusumik nalu-

naaruteqarnerat nalunaarutigineqaqqissaaq, nalunaaruteqarnis-
samut maleruaqqusat naapertorlugit.

**Attavilersinnermut
akileeqataassut**

3.3

Attavilerneqarnermut nutaamut imaluunniit attaviliinerni
pioreersuni annertusisani atuisoq attavilerneqarnermut akileeqa-
taassummik akiliissaaq, Nukissiorfiit innaallagissamik, imermik
aamma kiassarnermik tamanik pilersuinermini nioqquteqarner-
mut piumasaqaataanni, immikkoortoq 5.3-mi aalajangersakkat
tunngavigalugit.

Immikkut piumasaqaatit

3.3.1

Atuisoq Nukissiorfiit pilersuinerminnut atortuinik immikkut inis-
siinissamut imaluunniit ilusiliinissamut piumasaqaateqarpat, at-
tavilerneqarfiup sumiiffianut atatillugu, atuisup aningaasartuutit
immikkut piumasaqaataasunut tunngasut akilissavai.

Annertusisamik atuneq

3.3.2

Atuisoq pilersuinerup annertussusissaa qaangerlugu atuippat
Nukissiorfinnit piumasarineqarsinnaavoq annertusisamik
pilersuisoqarnissaa . Annertusisamik attavilersinnermut
akileeqataassutip akilerneqartarneranut aalajangersakkat
Nukissiorfiit innaallagissamik, imermik kiassarnermillu tamanik
pilersuinerminni tuniniaanermut piumasaqaataannik
aalajangersakkani immikkoortoq 5.3-miittut naapertorlugit
atuisoq akiliisinneqassaaq.

**Piginnittup atuisullu
akornanni pissutsit**

3.4

Ilutigisaanik atuisoq illuummik ikkussuiffiusumik,
piginnittuunngippat, Nukissiorfiit piumasarisinnaavaat atuisumit
uppersarneqassasoq ikkussukkap nutaap pilersuinerulluunniit
annertussusaanik allannguinerit piginnittumit
akuerineqarsimanera. Ikkussukkamut tamatigut
akisussaassuviusussaavoq piginnittoq.

4. Innaallagissap aqqutai ikkussukkat

Illuummi ikkussukkat

4.1

Tak. Innaallagissamik ikkussuinerit suliarineqarnerannut ingerlanneqarnerannullu isumannaallisaaneq pillugu Namminersorlutik Oqartussat nalunaarutaat nr. 21, 12. december 2019-imeersoq kiisalu nalunaarut nr. 21, 9. december 2013-imeersoq, ikkussukkat isumannaatsumik pissuseqarnissaannut piginnittoq akisussaassuseqarpoq.

Innaallagissap aqqutaa ajoqutilik innaallagissamik pilersuiner-mut aqqutitut attavilerneqaqqusaanngilaq.

Paasineqarpat illumi innaallagissap aqqutai ikkussukkat ajoqute-qartut, taamalu innaallagissap isumannaatsuunissaa pillugu aalajangersakkanik naammassinninngitsut imaluunniit sakkortus-susermut tunngatillugu Nukissiorfiit pilersuiner-mut aqqutaat sunniuteqarfigalugu, pilersuinerup isumannaatsuunissaanut aarlerinarsinnaasumik sunniuteqarfigalugu, Nukissiorfiit pisinnaati-taapput pilersuineq qamissallugu. Piginnittup pisussaaffigaa aningaasartuutit tassunga tunngasut akilernissaat.

Illuummi innaallagissap aqqutaanik ikkussukkanik misissuinissaq Nukissiorfinnit ingerlaneqarsimagaluarpalluunniit, piginnittoq ki-simi innaallagissap aqqutaasa ikkussorneqarsimasut isuman-naatsumik pissuseqarnissaannut akisussaaffeqarpoq.

Ikkussorneqarsimasooq atorneqarunnaartutut nalunaarutigine-qarpat, soorlu atuiner-mut uuttuut peerneqarluni imaluunniit u-ngasianit matuneqarluni, ikkussorneqarsimasooq atorneqarun-naassaaq.

Pilersuineq innaallagissamut uuttuummut nalinginnaasumut ikkunneqarsimasooq qaminngasimappat/matoqqasimappat (In-naallagissamut uuttuut ≤ 63 A) ullut 210-t tikillugit, uuttuut peerneqassaaq, inaarutaasumillu akiligassaq atuisumut/illumik piginnittumut nassiunneqassalluni.

Pilersuineq qaminneqarsimappat/matuneqarsimappat innaalla-gissamik atuiner-mut uuttuutitut anginerusunut (Innaallagissa-mut uuttuut > 63 A) tamatuma kinguninnguatigut uuttuut peer-neqassaaq akiligassarlu inaarutaasooq atuisumut/illumik piginnit-tumut nassiunneqarluni.

Najugaqarfimmi pilersuinerup ammaqqinneqarnissaa/atuutiler-seqqinneqarnissaa kissaatigineqarpat, tamanna atuisunngorniar-luni nalunaaruteqarnertut nutaatut isigineqassaaq, tak. immik-koortoq 3.1.

Nukissiorfiit piumasarisinnaavaat ammaqqinnissaaq sioqqullugu ikkussorneqarsimasut innaallagissiortumit akuersissummik pigisaqartumit misissorneqarnissaat. Atuisup ikkussukkat misis-sorneqarnissaat akisussaaffigaa, pisariaqarpat iluarsaanneqar-nissaat aamma akuersissutigineqarnissaat, tassunga ilanngullu-git kingunerisaanik aningaasartaasinnaasut akilernissaat.

	Uuttuummik ikkusseqqittoqarnissaa sioqqullugu ikkussukkallu atorneqaqqilinnginnarani, innaallagissiortup ikkussukkap atorneqalernissaa nalunaarutigeqqissavaa www.eltimeding.dk-mut.
Ikkussukkat atortulluunniit ajoqusiisarneri akornusersuisarnerilu	4.2 Ikkussukkat aamma illup iluani atortut atorneqarnerminni Nukissiorfiit pilersuinerminnut atortuinik imaluunniit uuttuinnermut atortuinut akornusersuutaassanngillat atuinermilluunniit artorsartitsisussaanatik, taamatullu akornusersuutit atuisunut allanut tuttussaannngillat. Atuisoq atortunik pigisalik kisimiilluni allalluunniit ikkussorsimasaannut ilanngulluni pilersuinnermut aqputinik malunnaateqarluartumik aamma akuerineqarsinnaanngitsumik akornusersuinnermut peqataappat tak. Ataatsimoortumik maleruagassat 2022, pisussaavoq akornusersuinnermik iluarsii-nissaminut imaluunniit taakku iluarsineqarnissaannut Nukissiorfinnut akiliinissaminut. Akornusersuutit taakkartorneqartut atuisumit iluarsineqanngippata Nukissiorfiit pisinnaatitaaffigaat innaallagissamik pilersuineq unitsissallugu.
Illuut atorneqanngitsaq	4.3 Nukissiorfiit illumut atorneqanngitsumut pilersuineq piginnittumut akiligassanngorlugu attavilerneqarfiup sumiiffiatigut qamis-sinnaavaa, tamanna pilersuinnerup aqputaata sinneranik ajoqusiis-innaappat akornusersuutaasinnaappalluunniit imaluunniit inun-nik navianartorsiortitsisinnaappat nalillilluunniit isumannaatsuu-nissaanut ajoqusiisinnaappat. Nukissiorfiit tamatuma pinnginnerani piginnittoq ilisimatinniarlu-gu misiliisinnaavoq.
Paasissutissanik nassitsineq	4.4 Qaraasaasiakkut paasissutissanik nasitsineq allatulluunniit aqputinik Nukissiorfiit ingerlataannik atuneq inerteqqutaavoq, taamaaliornissamik allaganngorlugu qinnuteqarsimanngikkaanni akuerineqarlunilu.
Biilnut innaallagia- tortunut hybridinullu immiisarfiit	4.5 Biilnut innaallagiartortunut aamma hybridinut atorneqartussanik ikkussukkat taakku pillugit Innaallagissiornermut Oqartussat aalajangersagaat malissavaat.

5. Uuttuutit akiligassanik nalunaarsuiffiusut

Uuttuutit 63 A ilanngullugu ikkussuinerit

5.1

Nukissiorfiit uuttuutit niuusallit [*stikbensmålere*] ungasianit atuaanermut imaluunniit ungasianit atuaanermut atortunut taamaallaat atorpaat.

Malugiuk: Uuttuutit 63 A ikkussiffigineqarsimanngitsut atuisunngortinneqarsinnaanngillat, Nukissiorfiup maleruaqusaani allatut allassimasoqanngippat.

Uuttuutit 63 A qaangerlugu sarfamut sakkortusaavimmuut uuttuutit

5.2

Uuttuutit 63 A qaangerlugu sakkortussusillit isumaqatigiissuteqarnikkut Nukissiorfinnit imaluunniit Innaallagissortumik ikkussuunneqassapput. Ataatsimut aaqqissuunneqarneranni qanoq artorsartitsitigineq misilerarneqartussaavoq taamaammallu uuttuutip ikkussuunneqarnerani nalunaarsuiffik sarfalersinnaasariaqarpoq.

Malugiuk: Nukissiorfiit sarfamut sakkortusaavinnik innaallagissortumut nalunaarsuiffinnillu nioqqutissortumut tunniussineq ajorput. Taamaattorli Ataatsimoortumik malittarisassiami imm. 23.4 malinneqartussaavoq, sarfamut sakkortusaaviit angissusaat eqqarsaatigalugit. Angissutsit allat atorineqassappata Nukissiorfiit akuersissuteqaqqaartussaapput.

Sarfaq sanaartornermut atorineqartoq

5.3

Utaqqiisaagallartumik ikkussuineq, atuisunngorneq tamatumalu kingornatigut naammassinnineq, nalunaarutigineqassapput.

Sanaartornermi uuttuut sanaartornermi sarfamut ikkunneqassaaq.

Sanaartornermi uuttuummik ikkussisoqartillugu imaluunniit tunniussisoqartillugu pissarsiniartoq qularnaveeqqummik akiliuteqassaaq, tak. Nukissiorfiit akigitanut allattorsimaffiat atuuttoq. Uuttuutip utertillugu tunniunneqarnerani qularnaveeqqut utertineqassaaq.

Ilaqutariit illui atuisunngoraangata (≤ 63 A) sanaartornermi sarfaq siullermeerutaasumik pilersinneqarluni tamatumalu kingornatigut illumut aalajangersimasunik ikkussuunneqarluni, innaallagissortumit suliarineqartumik, uuttuut atajuaannartussatut nalunaarutigineqassaaq, ikkussukkat aalajangersimasut piareerneqareerpata kiisalu uuttuut piujuartuusaaq atuisutut nalunaarutigineqarluni. Tamatuma kingorna sarfaq sanaartornermut atorineqartoq aalajangersimasumik ikkussukkannit peerneqassaaq.

Sanaartornermi uuttuutit uuttuummut nalinginnaasumut sanilliullugit aalajangersimasumik ikkussukkatut ikkunneqarsinnaanngillat.

**Ikkussukkanut tikinne-
qarsinnaanngitsunut
uuttuummik inissiineq**

5.4

Uuttuutit tikikkuminartumut inissinneqassapput, ajornartorsiu-
taanngitsumik taarserneqarsinnaassallutillu atuarneqarsin-
naaniassammata.

Erseqqissaatigineqassaaq uuttuutip inissisimaffia
tikikkuminartumiissammat. Imaappoq tooqqaannartumik tikin-
neqarsinnaassaaq nioqqutissiorfinnut sumiiffinnullu allanut
iserteqqaartariaqarfiunngitsumut, taakkununga piumasaqaatit
immikkut ittuummata (soorlu uffaqqaarsimasussaaneq). Tama-
tuma kingunerisinnaavaa innaallagissamik atuinnermut
nalunaarsuiffiup marlunnut avinneqarnera, uuttuummut
nalunaarsuiffik immikkoortillugu ataatsimoortumillu
nalunaarsuiffik aamma taamatut.

Nukissiorfiit taamaallaat pissutsini immikkut illuinnartuni
akuersissuteqarsinnaavoq, uuttuutip toqqaannartumik tikinne-
qarsinnaanngitsumut inissinneqarnissaa pillugu.

Uuttuummik nuussineq

5.5

Uuttuut naleqqutinngitsumut inissinneqarsimappat,
misissuinissaa atuaanissarlu nalinginnaasumik
ingerlanneqarsinnaajunnaarlugit, Nukissiorfiit pisinnaatitaapput
uuttuutip nuunneqarnissaa piumasaqaatigissallugu, atuisup
(piginnittup) akiligaanik.

**Nalunaarsuiffiup
titartagartaa**

5.6

Uuttuinnermut immikkoortup imaluunniit **sarfap uuttortarne-
qanngitsup** sikringeqarfianut nalunaarsuiffiup pingaernerup
ikkussuunneqannginnerani, innaallagissamik nalunaarsuiffiit ti-
tartagartaat Nukissiorfinnut nassiunneqassaaq.

Titartakkami makkua takuneqarsinnaasussaapput:

- Illumut attavilerneqarfia sanimullu kippaata titartarnera
- Uuttuinnermut immikkoortumi sarfamik sakkortussusaanillu
nalunaarsuinerit
- Nalunaarsuiffimmi attuuttoortoqannginnissaanut illersuut, in-
naallagissamut sakkortuumut nalunaarummi piumasaqaataa-
sut malillugit
- Uuttuinnermut immikkoortup sumi inissisimanera
- Innaallagissiortup suliffeqarfiulluunniit siunnersuisartup aqqa
aamma najugaa

Malugiuk: Uuttuutitut aqqissuussinerit immikkoortinnissaat
inerteqqutaammat.

Malugeqquneqarpoq ledningip atassusiisup aqqutissaa pillugu A-
taatsimoortumik malittarisassiat aalajangersagaat.

Nukissiorfinnit piumasaqaataavoq ataatsimoortumik malittarisas-
satut aalajangersakkat malinneqarnissaat, nalunaarsuiffinni
nutaani sakkortusaaviit sarfaannik uuttorneqarnissat innaallagis-
sap aqqutaasa katersuuffiini nutaani malinneqartussaammata,
aqqutip ungasianit atuarneqarsinnaanissaa pissutigalugu.

Innaallagissiortup tamakkiisumik akisussaafigaa
nalunaarsuiffinni nutaani Ataatsimoortumik malittarisassami

aalajangersakkat kiisalu Innaallagialaq sakkortooq pillugu nalunaarummi aalajangersakkat malinneqarnissaat.

**Aqerlortikkat
(paarnaarsaatinik
plombiliinerit)**

5.7

Pingaaruteqarpoq uuttuutip nalunaarsuiffiata aqerlortikkamik kiggiussamik parnaarsateqarnissaa. Taanna innaallagissap aqgutaanut ikkussorneqarsimasunut paarnaarsaataavoq, ilutigisaanillu ersiutaalluni inuinnarnit iserfigineqaqqusaannginneranik.

Nukissiorfiit tamatigut innaallagissap ikkuffiani aqerlortikkamik parnaarsaasiisuusussaapput, pisunili ataasiakkaani immikkut ittuni Nukissiorfiit innaallagissiortumik suliakkiisinnaapput.

6. Ataavartumik nukissiorfinnit inuit nammineq pigisanniit innaallagissamik pilersuineq

Qinnuteqaat

6.1

Sullitaq innaallagissamik nammineq ataavartumik nukissiorfiutimineersumit Nukissiorfiit pilersuiviannut tunniussiniaruni, tamanna pillugu Nukissiorfinnut qinnuteqaammik nassitsissaaq.

Qinnuteqaateqarnissamut immersugassaq immersorneqassaaq nukissarlu pillugu uppersaasersuutini pisariaqartunik ilanngussilluni Nukissiorfinnut nassitsissalluni.

Qinnuteqaateqarnissamut immersugassaq Nukissiorfiit nittarta-gaanni www.nukissiorfiit.gl -mi pissarsiarineqarsinnaavoq.

Pilersitsineq

6.2

Ataavartumik nukissiornermut atortunik pilersitsinermi tamati-gut inatsisit, malittarisassat nalunaarutillu atuuttut malinneqartussaapput. Pingaartumik maluginiaqquneqarpoq DS/HD 60364, ikkussuisarnermut nalunaarummi katersani nalinginnaasuni Kalaallit-Nunaannut atuuttuniittoq.

Nukissiutinit ataavartunit innaallagissamik sinneruttumik suliffe-qarfinnut pilersuisuusunut pilersuineq tunisisarnerlu pillugit Namminersorlutik Oqartussat nalunaarutaat nr. 21, 9. december 2013-imeersumi (nammineerluni tunisassiornermut nalunaarut), qinnuteqaateqarnermut aammalu ataavartumik nukissiutini ik-kussuinissaq pillugu maleruaqqusani malittarisassat sukumiine-rusumik allassimapput.

Pilersueqataasut allat innaallagissamik pilersuineranut aqqutitut nioqquteqarniartut akiligassaraat illumut attavilerneqarneq, uuttuummillu ikkussuineranut aningaasartuutit.

Attavilerneqarnermut akileeqataassut

6.3

Nukissianik ataavartunik Nukissiorfiit pilersuinerannut attaviler-neqarnermut atatillugu attavilerneqarnermut akileeqataassut a-kilerneqassaaq, tak. Nukissiorfiit akigititanut allattorsimaffiat aamma Nukissiorfiit innaallagissamik, imermik aamma kias-sarnermik tamanik pilersuinermini tuniniaanerminut piumasa-qaataanni immikkoortoq 8.2.

7. Illumut attavilerneqarfiit

Illumut attavilerneqarfiit

7.1

Illumut attavilerneqarfiit ikkussuunneqassapput aalajangersakkat ukunaniittut malillugit "Ataatsimoortumik malittarisassiaq" aamma Innaallagissiornermut Oqartussat Ataatsimoortumik malittarisassiamut tapiliussaa atuuttoq.

Tak. DS/HD/ 60364 Kalaallit Nunaanni innaallagialaq sakkortoq pillugu nalunaarut naapertorlugu inerteqqutaavoq sikringit aalajangersimasumik kaanngarnissaminnut ilisarnaa-serneqarsimanngitsut atornissaat, tassaappullu EN 60269, EN 60898, EN 60947 imaluunniit EN 61009. Tamatuma isumagaa attavilerfiit taamaallaat kabeliisivimmi ikkunneqarsinnaanerat.

Innaallagissap aqqutaanut silaannakkoortunut sikringinut ikkuffilinnut, ledninginut silaannakkoortunut sioqqanik imalinnik sikringilinnut ikkunneqarsinnaasunut, Nukissiorfiit akuersissutaat taamaallaat akuerineqassaaq utaqqiisaagallartumik. (sanaartornermi sarfaq).

Immikkut attavilerneqarfik

7.2

Quleriunngitsunik illuliornermi illut ataasiakkaat immikkut illumut attavilerneqarfik aqqutigalugu pilersorneqassapput, tak. ilanngussaq 1.

Illut ataasiakkaat quleriit arlaliusinnaapput, inissiatut ataasiinnartut naatsorsuunneqartut.

Assersuutigalugu illut affarleriit marlunnik illumut attavilerfeqassapput, illut uiguleriiaat inigisassat amerlaqataannik attavilerneqassallutik.

Ataatsimut attavilerneqarfik

7.3

Quleriiaanik inissialiornermi ineqarfiit immikkoortut ataasiakkaat inissiat quleriaarlugit inissinneqarsimatillugit, illumut attavilerneqarfimmik ataatsimoorussamik pilersorneqarsinnaapput, tak. ilanngussaq 1.

Inissianik quleriiaanik sanasoqartillugu (blokket inissiarsuit) taakkua illumut attavilerneqarfik ataatsimoorussaq aqqutigalugu pilersorneqarsinnaapput, taamaattorli ikinnerpaamik illumut attavilerneqarfik inissiarsuarmut ataatsimut atuutissaaq, tak. ilanngussaq 1.

Illumut attavilerneqarfiup ataatsimoorussap atornerqarnerani innaallagissap aqqutai ikkussorneqarsimasut ataasiakkaat, ikuallattoornissamut sillimaniarluni inuillu isumannaatsumik pineqarnissaat pissutigalugu, ikkussorneqarsimasut silataaniit qaminneqarsinnaasussaapput.

Piginnittup akisussaaffigaa attavilerfiup paatsuugassaanngitsumik isumannaallisaaffigineqarnissaata qulakkeerneqarnissaa. Taannaasinnaavoq illuummik piginnittoq pingaarneq, aqutsisuusq imaluunniit illumik piginnittut peqatigiiffiat.

**Piginnittumut
piumasaqaat**

7.4

Illumut attavilerneqarfik piginnittumit akilerneqassaaq, piler-
sinneqassaaq aamma aserfallatsaaliorneqassaaq.

Attavilerneqarneq

7.5

Innaallagissiortoq Nukissiorfinnit pisussaatinneqarsimaguni,
ikkussuisinnaavoq aamma illumut attavilerneqarfimmit kabe-
leqarfimmut nalunaaqutsersuineramik suliaqarsinnaavoq,
maleqquaqqusat malillugit, tak. Nukissiorfiit kabeleqarfinni ik-
kussuineramik Ingerlatsinermut ilitersuutaat.

Illunut attavilerfinnik Nukissiorfinnit innersuussutip tigunissaa
sioqqullugu ikkuinissaq inerteqqutaavoq.

8. Maalaarfissaq

Maalaarfissaq

8.1

Atuisoq Nukissiorfiit sullissinerinik, akiligassiinerinik il.il.
naammaginninngippat, tamanna suliasaqarfimmi
naalakkersuisoqarfimmut
naammagittaalliuutigineqarsinnaavoq.


Ilanngussaq 1. Attavilerfeqarfiit amerlassusissaat

Assersuutit:

Quleriunngitsunik illuliornermi


Ilaqutariinnut illu

Illumut attavilerneqarfik
ataaseq




Illuni arfarleriinni

Illumut attavilerneqarfiit
marluk




Illuni uiguleriiaani- /ataqatigiiaani

Illumut attavilerneqarfiit
sisamat




Sanaartukkani assigiinngisitaartuni

Illumut attavilerfiit
marluk



**Sanaartukkani
Assigiinngisitaartuni**


Illumut attavilerneqarfiit
pingasut



Attavilerneqarfiit tamarmik silataaniit
qaminneqarsinnaasussaapput.

Inissiat quleriiaat

Illumut attavilerneqarfiit
marluk



Attavilerneqarfiit tamarmik silataanit
qaminneqarsinnaasussaapput.